

## Saksprotokoll i fylkestinget - 11. og 12.12.2018

### Interpellasjon fra Golis (MDG) – redd innsektene - for menneskets og naturens skyld

Fylkesordføraren gav slikt svar:

«MDG kjem her med spørsmål om ei svært viktig sak. På så kort tid har me ikkje hatt tid til å kunna få oversikt over alle fakta som er etterspurt.

Regjeringa la 29.6.2018 fram Nasjonal pollinatorstrategi for å sikre levedyktige bestandar av villbier og andre pollinerande insekt. Dette er avgjerande for å ta vare på økosistema våre.

Mykje av den maten vi sett på bordet er avhengig av pollinering, og det er difor viktig for verda sin matproduksjon at vi tek vare på dei pollinerande insektene.

**Tiltak i strategien:** Regjeringa vil rette innsatsen mot å unngå tap, og auke omfanget av samanhengande, gode leveområde for pollinatorar gjennom heile livssyklusen. Miljøforvaltninga skal lage handlingsplanar for trua artar der det er det mest hensiktsmessige verkemidlet, og vurdere andre tiltak for å sikre gode leveområde og beskytte pollinatorar, som skjøtselsplanar og pilotprosjekt på tvers av sektorane. Eit eksempel som er nemnt her er Statsbygg som har pilotanlegg for å jobbe med grøn skjøtsel av utomhusareal på Gamlehaugen i Bergen.

Fylkesmannen er mynde og forvaltar Naturmangfaldlova og styrer kartlegginga av naturtypar. Fylkeskommunen er ikkje nemnt i denne strategien og har ingen formell mynde i denne saka. Det vert difor vist til vår regionale planstrategi når det gjeld å ta vare på biologisk mangfald. Fylkeskommunen driv vegleiing innan arealplanlegginga. Insekt kan vera aktuelt vegleiingstema på plannettverk og plankonferansar. Kommunen kan utarbeide planar for naturmangfald og grønstruktur som inngår i kommuneplanarbeidet, slik som «Humleplanen i Moss kommune»

Hordaland fylke har ein variert produksjon av jordbruksprodukt frå grønsaker i jorda til bær og frukt på trea. For å få gode avlingar er desse vekstane avhengig av god pollinering. Dette temaet som MDG tek opp er difor svært viktig for våre næringar.

Som vegeigar og eigedomseigar har sjølvsagt fylkeskommune ein viktig rolle for å ivarta pollinerande insekt og viktige biotopar for desse.

Birøkt har også ei viktig rolle for pollinering, og er omfatta av ulike tilskotsordningar. Fylkeskommunen har i dag 5 bikuber på taket av Fylkesbygget, som produserer eigen honning, som vert brukt til gåver. Dette kan også vera ein god ide for mange av våre andre bygg.

**Spørsmål til fylkesordførar frå MDG:** 1. Korleis meiner fylkesordføraren vektlegginga av bevaring av natur- og kulturlandskap for å ivareta insekta i tettstader og by er i fylket idag ?  
Kan/bør dette få større fokus?

**Svar:** Dette har me i dag ikkje oversikt over, men dette bør sjølvsagt få større fokus og med må få meir kunnskap om.

2. Korleis er bruken av sprøytemiddel og kjemikaliar i dag i drift der fylkeskommunen er oppdragsgjevar og/eller aktør sjølv?

**Svar:** Generelt vert det brukt sprøytemiddel i svært liten grad i den daglige drifta av fylkesvegane. For uønska artar vert det brukt noko som vert kalla «Heatweed» der det er mogeleg. Dette er kjemikaliefri ugrasbekjemping i form av varmt vatn.

Men – i ein skilde tilfelle må sprøytemiddel brukast for å handtere svartelista artar. Kantslått vert også utført utan at me har fått oversikt over når dette vert utført i forhold til pollineringa. Det ideelle er etter august månad.

3. Finnes det ein plan for vern, bevaring og kartlegging av grøfte- og slåttekantar?

**Svar:** Det er fylkesmannen som har ansvaret for naturtypekartlegging i Hordaland. Til dømes er Slåttemark ein eigen naturtype.

**Fylkesordførar rår til slikt vedtak:**

Fylkestinget ber administrasjonen utarbeide ei sak i 2019 om korleis fylkeskommunen kan styrka arbeidet med å ta vare på insekta sine leveområde på fylkeskommunal grunn, og i planlegging og planrettleiing.»

Det vart teke opp til røysting om å setja saka på sakskartet.

**Røysting**

Det vart samråystes vedteke å setja saka som ny sak på saklista.

**Vedtak**

Saka vert satt på sakskartet.